

2. निबंध लेखन

1. उज्जाणं

उज्जाणं पच्चेगनयरस्स गामस्स य सोहा अत्थि। नयरस्स मज्झठाणे उज्जाणं अत्थि। तत्थ विविहपयारस्स रुक्खासंति / उज्जाणे विविहपयारस्स लयावल्ली वि अत्थि। सव्वा लयावल्लीए उवरिं विविह-वण्णस्स फुप्पं अत्थि। तेण सव्वे उज्जाणं सुंदरं दिट्ठइ। नयराओ सव्वं इत्थि-पुरुसा पइदिणे उज्जाणे गच्छंति। को वि माया-पिया नियनिया बालका वि घेतूण उज्जाणे गच्छंति। तत्थ बाला विविहपयारेण कीला करेन्ति। जेट्ठ-लोगा रुक्खस्स छायाए चिट्ठंति।

उज्जाणस्स एणं भागे पाणिसंगालयं वि अत्थि। तम्मि पाणिसंगालयम्मि वग्घ-सीह-हत्ती-आस-वाणर-मिगाइ विविहपाणी संति। उज्जाणस्स बीअं भागे एणं सरोवरं वि अत्थि। तम्मि सरोवरस्स तीरे हंस-चक्कवाय-मोर-मऊरी-आइ पक्खी विहरंति।

उज्जाणस्स एणं भागे कीलाखेत्तं अत्थि। तत्थ विविहपयारस्स किला-वत्थू वि अत्थि। ताओ वत्थूणि घेतूण सव्वे बालका कीलिरुण नियनियं मणोरंजणं करेन्ति। तेण कारणेण सव्वे जणा उज्जाणं पइदिणे गच्छन्ति।

2. पाउसकालो

पाउसकालो सव्वकालम्मि सेट्ठं अत्थि। तेण सव्वे जीवा पाउसकालो अईव पियं अत्थि। एयं पाउसकालो चउर-मासस्स अत्थि तेण एयं चातुरमास ति नामेण वि संबोहइ। रोहिणी नक्खत्ताओ पाउसकालस्स आरंभं होइ। एए चउरो मासे वि आगासाओ मेहा जलं वरिसंति। विज्जू वि एयम्मि काले आगासे नच्चंति। मेहा वि उच्चसरेण गज्जंति। पवणो वि सणियं सणियं सव्व-ठाणे मेहाणं नेइ। सव्व-ठाणे मेहा गच्छिरुण जलं वरिसन्ति। तेण सव्व-ठाणे जलेण परिपुण्णं होन्ति। नइ-सरोवराइ वि जलपुण्णं होऊण वहन्ति।

एए पाउस-काले किसिवालं वि बहुलं आणंदं होइ। किसिवालो निय-खेत्ते गच्छिरुण परिस्समं करिरुण पभूयं धन्नं पिक्कवइ। सव्व-पुहवी वि हरियं होइ। रुक्ख-लया-वल्ली वि पत्त-फुप्प-फलेण परिपुण्णं होइ। तेण सव्वे पाणी वि आणंदेण विहरंति। एवं पयारे पाउसकाले सव्वे जणा सुहेण चिट्ठन्ति। तेण कारणेण सव्वे कालम्मि पाउसकालो सेट्ठं अत्थि।

3. मम देसो

भारहो मम देसो अत्थि। भारहदेसे पाचीण-काले भारहो नाम एणं राया होत्था। तस्स नामेण मम देसं भारह-देसं ति नामेण संबोहइ। मम देसं ममं अईव पियं अत्थि। मम देसे विविह-धम्म-पंथ-जाइए लोगा वसन्ति। ते सव्वे लोगा निय-निय-धम्म-सक्कतीए पमाणं आणंदेण जीवणं जयन्ति। मम देसं विविह-धम्म-परंपरा अत्थि तं पि सव्वेसु एगता वि अत्थि। तेण कारणेण मम देसस्स सक्कतीए परंपराए ममं अहिमाणं अत्थि।

मम देसस्स उत्तर-दिसाए, हिमालय-पव्वयं अत्थि। दक्खिण-दिसाए हिंदमहासागरं अत्थि। पच्छिम-दिसाए अरबीसमुदं अत्थि। पुव्व-दिसाए बंगालस्स समुदं अत्थि।

मम देसे गंगा-जमुणा-बम्हपुत्ता-सतलज-किसणा-गोदावरी-कावेरी आइओ नइया अत्थि। इमाओ नईहिं भारहभूमी समिद्धं होइ।

मम देसे पाचीण-काले चंदगुत्त-मोरिय-समराट-असोग-सातवाहण-हरिस-जाधव-सिवराय-अकबराइ अणेगा सव्वसेट्ठ-रायपुरिसा होइंसु। एए सव्वेहिं रापुरिसेहिं भारहदेसं एग-छत्तं आणयणस्स महाकज्जं करिंसु।

भगवं महावीरं - भगवं बुद्ध-बसवेसर-गाडगे महाराओ, णाणेसरो, तुकाराम-जोतिबा फुले महप्पा गांधी आइया महापुरिसेहिं समाजस्स पबोहणं करिऊण सामाजिक-समता निम्माणं करन्ति। तेण कारणेण अज्ज देसस्स अखंडत्तं आबाहियं अत्थि। तेण कारणेण सव्वे लोका सुहेण जीवणं जगन्ति। तस्स ममं देसस्स अभिमाणं अत्थि।

4. भगवं महावीरो

जिणधम्मो भारतीय-परंपराओ एगं धम्मं अत्थि। जिणधम्मो चउवीसा तित्थंकरा होन्ति। तम्मि तित्थयरम्मि भगवं महावीरो अंतिमो तित्थयरो अत्थि। तस्स तिसला-सिद्धत्थो माया-पिया अत्थि।

समाजम्मि विविहा अण्णाय-अच्चायार-हिंसाइ दट्ठूण महावीरस्स मणम्मि संसाराओ विरत्तं जाओ। तेण तीसम्मि वरिसे मुणिदिकखं घेइ। दुवालस-वरिसे उग-तवं करिऊण केवलणाणं पावइ।

गोयमाइ-एक्कारस-माहण-सीसा महावीरस्स गणहरा अत्थि। भगवं महावीरो गामाणुगामं विहारं करिऊण सामण्ण-जणा तस्स बोली-भासा-अद्धमागही-भासाए हिओवएसं करेइ।

भगवं महावीरो जणा उवएसं करेइ, ‘भो भव्व जीवा ! निय-कम्मस्स अप्पा-कत्ता , अप्पा च्चिय विकत्ता य। नियं अप्पा च्चिय मित्तो अमित्तो य। जीवो जं कम्मं करेइ तस्स पभावेण सुह-असुहं च फलं भुंजइ। सव्वे जीवा सुहं इच्छन्ति न दुक्खं इच्छन्ति। तेण सव्वे जीवा सुहं कम्मं करेह। सुहं कम्मेण जीवा सुहं होइ।

एवं पयारे भगवं महावीरेण सव्वे जीवाणं कल्लाणकारकं अहिंसा-धम्मस्स उवएसं करिऊण जिण-धम्मस्स सेट्ठत्तं वड्ढवइ।

5. गणेश-उसवं

भारतीय-सक्कतीए छण-उस्सवाण अईवं महत्तं अत्थि। एयं छण- उस्सवाओ भारतीय सक्कतीए परंपराए य परिचयं होन्ति। छण-उस्सव-काले सव्वे जणा एकठाणे आगच्छिऊण परोप्परं अच्चंतं आयरपुव्वयं ववहारं करन्ति।

भारतीय-उस्सवम्मि गणेश-उस्सवं अईव महत्तपुण्णं उस्सवं अत्थि। एयं उस्सवं दस-दिणे अत्थि। तिलक-महोदण्ण एयं उस्सवस्स आरंभं करेइ ति कोवि जणा मण्णन्ति । को वि जणा महप्पा जोतिबा-

फुले महोदएण आरंभं करेइ ति मण्णन्ति।

एयं उस्सवं दुवे पयारा अत्थि। को वि जणा निय-निय गिहम्मि गणेस-मुत्तीए पइट्ठापणा करेन्ति। को वि जणा सव्वजणियं ठाणे गणेस-उत्सवस्स पइट्ठापणा करिऊण गणेस-उस्सवं करेन्ति।

एयं उस्सवस्स आरंभं भट्ठपदे सुद्ध-चउत्थी दिणे होइ अणंतचउत्थी दिणे य समाप्पं होइ। एयम्मि दस-दिणे लोगा नियनिय-गिहे सद्धापुव्वयं पूजं करेन्ति। सव्वजणिय-गणेस-उस्सवे वि लोगा एक्क-ठाणे आगच्छिऊण गणेसस्स पूजं करेन्ति। सव्वजणियं गणेसउस्सवम्मि विविह कज्जकम्मं होन्ति। सव्वे जणा एयम्मि कज्जकम्मम्मि सहभागेहिं आणंदं घेन्ति। तेण कारणेण गणेसउस्सवं सव्वे जणा अईव पियं अत्थि।

6. सुपुरिसो

पाचीण-कालाओ भारहभूमी संत-सुपुरिसाण जम्मभूमी ति पसिद्धं अत्थि। एयम्मि भारहभूमीए तम्मि तम्मि काले अणेगाण संत-सुपुरिसाणं जम्मं होन्ति। तम्मि महापुरिसेसु भगवं महावीर-भगवं बुद्ध-णाणेसर-तुकाराम-रामदास-कबीर-बसवेसर-महाप्पा जोतिबा फुले-गाडगेमहाराज-आइआ अणेगा महापुरिसाण समावेसं होन्ति।

एयाणं महापुरिसाणं व्व अणेगा इत्थि-रयणा वि होन्ति। संत मीरा-जणाबाई-कण्होपत्ता-अहिल्यादेवी आइआ अणेगा इत्थि-महप्पावि होइत्था। एए सव्वे महप्पा समाजस्स आदरिस-हियचिंतग-मग्गदरिसगं अत्थि। ताण सव्वाण सहावं अच्चंतं संतं अत्थि। एए सव्वे सुपुरिसा सच्चमग्गस्स अवलंबं करेन्ति तेण ताणं सुप्पुरिसा ति नामेण संबोहइ ।

सुपुरिसस्स हिययं अईव दयाजुत्तं होइ। सुपुरिसो निच्चं महरवयणं वयइ। सुपुरिसो सव्वपाणिमत्ताणं हियं चित्तेइ। अन्तिम-दसासु वि अप्पिय-वयणं ण बोल्लइ। सुपुरिसस्स मेत्ती पाहाण-रेह व्व दीह-कालं रेहेइ। सुपुरिसो जम्मि ठाणे वसइ तं ठाणं वि पवित्तं होइ। सुपुरिसस्स पासे को वि जाइ सो सुहं पावइ। एवं पयारे सुपुरिसो पुहवीए भूसणं अत्थि।

